



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Flores Directorii Inqvisorvm**

**Bariola, Luigi**

**Mediolani, 1625**

Consilivm Decimvm.

**urn:nbn:de:hbz:466:1-11434**



rari, & pro excommunicato denunciare, Dinum  
locumtenentem Vicarij Britij.

Verum expediret, iudicio meo, vt vir doctrina,  
pietate, ac dexteritate insignitus, controuersias;  
& prætensiones istas dirimere studeret; vnionem  
ac pacem Atilio, & Britio suaderet; id quod in  
gloriam Domini nostri Iesu Christi crederet, nec  
non in maximum animarum vtriusque beneficium:  
ne ex lite ad iram, ab ira ad odium, quod animam  
faciat homicidam, diutius progrediantur. Dum  
enim inuicem mordemus (Apostolo teste) inuicem  
consumamur. Hæc ex tempore scripsisse volui, non  
vt aliquid videret esse, cum nihil sim: sed vt rogan-  
tibus obtemperarem correctioni tamen paratus;  
vbi malè sensisse me, peritiores dijudicabunt, ac  
apientiores.

Sacra Congregatio Episcoporum, & Regularium  
irritauit electionem Vicarij Capitularis Bisliæ fa-  
ctam, quia electus in Vicarium non erat laureola  
doctoratus insignitus 1597. 25. Februarij.

## CONSILIVM DECIMVM.

**M**ILES aduena incola tamen Diœcesis  
Derthonensis data opera in fraudem  
proprij Parochi ad Alexandrinam: Diœ-  
ces. accedens coram Parocho Alexan-  
drino, de licentia tamen eius Ordina-  
rij Matrimonium contraxit cum Berta.

Quæritur, an Matrimonium sit validum.

Quæstio hæc multa patere videtur.

Primum, an Miles dicatur vagus, vel potius fo-  
rensis, siue alienigena.

Secun-



Secundum, quis Parochus Forensium, siuè alienigenarum Matrimonio assistere possit.

Tertium, an valeat Forensis, siue alienigena sibi eligere domicilium, & contrahere Matrimonium etiam si id data opera in fraudem proprii Parochi præster.

Quartum, an possit Parochus alienigenarum, siuè Forensium Matrimonio assistere non adhibita diligentia Conc. Trid. sess. 24. cap. 7. de Matrimonio præscripta.

Quintum, an dato quod Parochus Forensium, siue alienigenarum Matrimonio assistat, non adhibita decreti Tridentini diligentia tale Matrimonium teneat.

Ad primum videtur, quod talis Miles careat firmo habitationis domicilio, modo hic, modo illic Superiorum iussu hospitando; & ideò vagum reputari posse; Verùm existimo militem hunc in præsidio, ac comitina militantem vagum appellari minimè debere, nam vagus dicitur, qui nullibi constantem sedem, ac certum domicilium obtinet, huc, & illuc vagando; ita Tho. Sanch. de Matrim. tom. 1. lib. 3. disp. 25. nu. 1. & 2. vbi docet, qui propriè vagi dicantur, & cum iste Miles in decreto præsidio viuat, certam sedem, donec aliud sibi iniunctum fuerit habere dicitur. At ille licet vagus appellari ratione allata non possit, dicitur tamen Forensis, & alienigena, cum nobis ignotus existat, & alibi originis domicilium teneat, quare ob rationis identitatem æquiparatur vago, Sanch. vbi supra disp. 25. nu. 8.

Ad secundum dubium, quinam Parochus possit Forensium, siuè alienigenarum Matrimonio assistere. Respondetur eum Parochum illorum Matrimo-

monio



monio de iure assistere, qui illorum Forensium confessiones audire poterit, & cum quilibet Parochus, in cuius Parochiales tales forenses reperiuntur illis Sacramentum Penitentię ministrare possit, & non sit maior ratio de hoc Sacramento quàm de Matrimonio, quilibet Parochus illorum interesse Matrimonio poterit; ita Martinus Bonac. de Matrimon. quæst. 2. punct. 8. prima Prop. nu. 4. quodque aperte affirmat Sanch. d. disp. 25. num. 2.

Ad tertium, an forensis elligere valeat domicilium, & Matrimonium contrahere possit, etiamsi in fraudem proprij Parochi id faciat. Sanch. cit. disput. 25. num. 11. hæc præcise habet, si verò domicilio relicto, quamvis in fraudem proprij Parochi facti essent vagi, possunt coram quocunque Parocho Matrimonium inire, sicut mutantes Parochiã in fraudem Parochi possunt Matrimonio copulari à Parocho noui parochiæ. Hæc ille. Quæ confirmat Bonac. loco cit. num. 2. de alienigenis præcipuè loquens, etiamsi data opera id præstent, neque enim id docet in fraudem factum, neque fraus dicitur illi patrocinari, quia iure suo ille utitur sicut tradunt illi prædicti DD. de eo, qui in locum ubi non est receptum Conc. Trid. se confert, ut ibi Matrimonio contrahat, absque Parocho, & Testibus, & validè illum contrahere docet Bonac. punct. 7. vnica prop. nu. 2. & Sanch. extra dentes tradit, etiam si eo se conferat per modum transitus, & in fraudem Concil. Trid. disp. 18. nu. 28. & 29. ex quo inferri potest, dato quod miles iste alienigena in Diocesi Derthoneñ. degens transire ad Alexandrinam uoluerit, ut ibi Matrimonium contraheret, etiamsi per transitum, & in fraudem proprij Parochi id fecisset re suo utens, condemnandus non esset.

Ad



Ad quartum respondetur nullo iure potest Parochus assistere Matrimonio forensium, non adhibita Tridentini præscripta diligentia, eamque omit- tens peccat mortaliter, ita cit. disp. 28. nu. 16. do- cet Sanchez, & ratio est quia violat decretum Con- cilij in re gravissima, & valde necessaria, & ille Parochus suspendendus erit per triennium.

Ad ultimum respondetur absolutè, quod valet Matrimonium vagorum siuè forensium, siuè alieni- genarum, qui dicuntur ignoti coram Parocho, abs- que dicti decreti Tridentini diligentia contractum, quia pro Matrimonij essentia solum desideratur Pa- rochi, & Testium præsentia, ita loc. cit. num. 16. Sanchez ex communi DD. sententia.

His habitis propositæ quæstioni respondetur, quod hic miles, qui ut ex primo dubio ignotus, & forensis dicitur, iure suo utens, ut per tertium patet, recedere à Dioces. Derthonen. potuit etiamsi per transitum id fecerit, ut cum muliere Dioces. Der- thonen. Matrimonium contraheret, dummodo id de licentia Ordinarij Alexandrini præstiterit, uti per quartum dubium præsertim adhibita diligentia Tridentini præscripta, cum per informationes debi- to modo sumptas illum liberum, nec habere impedi- mentum quò minus contrahere posset, atque ita de licentia Ordinarij Alexandrini id præstitum con- stet. Quod verius dicendum erit, si per easdem in- formationes iudicialiter habitas Alexandrino Or- dinario constet, ut in actis illius Curiz, tunc tem- poris in sua Dioces. habitasse, nam tunc omnis ra- tio dubitandi cessaret.

Et si dicas quod mulier illa non erat forësis, idcir- co ad Alexandrinâ Dioces. accedere non potuit, ut cum viro alienigena Matrimonium contraheret.

Ref.



Respondetur cum Bonac. cit. quæst. 2. punct. 8. prima propos. nu. 5. quod in paretia viri, vel mulieris potest celebrari Matrimonium, quare cum Miles hic in Diœces. Alexandrinam, ac in tali paretia habitare probauerit, ideò potuit illa fœmina eo accedere, vt vbi contraheret, nempe in Parochia viri; Ita Sanchez cit. lib. 3. disp. 19. nu. 4. & Rebel. lib. 2. q. 16. cit. à Bonac. vbi supra tradit, ita Sacram Congregationem Cardinalium declarasse.

Et si validum iudicatur Matrimonium à D. Bonac. pun. 8. quæst. 2. num. 1. cuiusdam Amasiæ, quæ se ad domicilium concubinarij transtulit, ibique coram Parocho illius domicilij Matrimonium contraxerit, non cum Amasio, sed cum alio extraneo, quare validum non erit hoc Matrimonium.

Dices informationes falsas fuisse, quia per testes falsum deponentes habitæ fuerant; respondeo ex doctrina in vltimo dubio allata, prædictas informationes falsas fuisse super eo, quod esset Diœcesis Alexandrinæ, non autem quod esset vxoratus, aut quod haberet impedimentum dirimens.

Quod si obijcies omissas fuisse in Parochia mulieris Derthonen. denuntiationes, responderi poterit primo hoc ad Parochum spectare, quem aliqui DD. asserunt non peccare mortaliter illas omittendo, præsertim quando adhibuit sufficientem diligentiam ad inquirendum an aliquod adesset impedimentum. Ita Sor. dist. 28. quæst. 1. art. 2. ad primum. Secundo responderetur ex doctrina Sanch. vbi supra. disp. 7. nu. 7. qui precisè concludit, quod Prælatus alterius contrahentis, potest cum vtroque dispensare in denuntiationibus, quia eo ipso, quod dispensat cum suo subdito, vt absque denuntiationibus ineat Matrimonium censetur consequenter dispensare cum



Cum alio, cum denuntiationes hæ, & dispensatio illa ordinetur ad Matrimonium, quod individuum est constans ex duplici extremo, ita Sanch. ibidem, & cum iusta esset causa dispensandi in huiusmodi denuntiationibus, cum dicti essent in concubinato, vellentque Matrimonium inire, ut in bono statu se constituerent, & periculum esset, ut dum denuntiationes præmitterentur de nouo inter se commiserentur, quæ causa traditur à Sanch. ubi supra, dif. 9. nu. 17. ideò Ordinarius Alexandrinus dispensans dictum militem, qui probauit illi subditum esse, cum muliere consequenter dispensare censetur.

D. Martinus Bonacina propositæ difficultati sic respondit. Validum esse Matrimonium, si Miles cum Amasia se transtulit ad Diocesim Alexandrinam, intentione ibi habitandi, seu commorandi maiori anni parte: Secus si ad illam Diocesim accessit animo solum contrahendi Matrimonium, non enim ibi Paretiam acquisiuit, ut cum Sanchez, Conincho, Gutierrez, Riccio, & Menochio, docuique 2. de Matrimonio pun. 8. nu. 1. in secunda editione.

Adde D. Bonacinae sententiam illam eandem esse, quam habet, & sustinet Pater Sanchez tomo 1. de Matrimonio lib. 3. disp. 23. quæst. 2. num. 11. & 12. quamuis Emanuel Sà Afforis. Confes. verbo Matrimonium nu. 2. referat ex voto Sacræ Congregationis Concilij, quod qui alicubi habitat animo non permanendi sufficit illi illic habitare dum Matrimonium contrahit: sed ni fallor hæc decisio non militat in mutante domicilium fraudulenter, prout in hoc casu.

Quod si vrgeas ex doctrina eiusdem Sà, ver. Paterochus, nu. 2. modicam habitationem sufficere ad Matrimonium contrahendum; Respondetur id ve-



rum quidem esse de vago, & non de alienigena, & fraude cessante; Vel dicendum cum Sanchez loco citato num. 15. decisionem Concilij intelligendam si contrahatur in loco domicilij per multum tempus retenti, etiam quod animus sit ferè statim recedendi post Matrimonium contractum.

## CONSILIVM VNDECIMVM.

**P**etrus contracto per verba de presenti Matrimonio cum Lucia antequam illud consummaret, se absentavit, & in aliam provinciam se contulit, vbi Matrimonium cum Cæcilia de facto contraxit, & consummavit, sed secundo Matrimonio nullo judicialiter declarato, Cæcilia alteri viro à decem annis, & ultra nupsit carnali copula, & prole suscepta.

Successivè, Lucia nullitatem Matrimonij inter eam, & Petrum tanquam per vim, & metum, vt pretenditur contracti coram Iudice Ecclesiastico, intentavit, & declarari obtinuit.

Quæritur an Petrus, qui tempore contracti cum Cæcilia Matrimonij nullã de nullitate prioris matrimonij per Luciam prætenfa notitiam habebat, & consequenter se priori Matrimonio ritè, & rectè ligatũ credebat, vnde nõ poterat secundo Matrimonio consensum præstare, & dum illum præstitit nulliter etiam in foro conscientie præstitit, stante iam declaratione nullitatis prioris Matrimonij per Luciam obtenta, teneatur redire ad Cæciliam, vel potius possit de eius persona, sicut sibi in Domino expedire iudicaverit, disponere.

Si